



ԽՄԲԱԳՐԱԿԱՆ

«Ամենայն Հայոց Հայրապետը անձ չէ, այլ հայրապետական գաղափարի մարմնացում», - ժամանակին գրել է Գեորգ արքեպիսկոպոս Չորեքեանը: Հայոց կաթողիկոսները, յիրաի, դարերի հոլովոյթին եղել են նուիրումն Աստծուն ու Հայրենիքին, մարմնատրել են Հայրենիքի ու ժողովրդի գոյութեան ու մանաւանդ միասնութեան գաղափարը, հանդիսացել դրա ոչ միայն ջարագով, այլև խորհրդանիշ: Երջանիկ գուգադիպութեամբ աշնանային այս օրերին նշում ենք նրանցից երկուսի՝ Գարեգին Բ. Ներսիսեան եւ Գեորգ Զ. Չորեքեան հայրապետների յորելեանները:

1869 թ. ծնուեց Գեորգ Չորեքեանը, այր իմաստուն, որին նախախնամութեամբ սահմանուած էր առաջնորդել Հայաստանեայց Առաքելական Սուրբ Եկեղեցին դժոխքի պարունակներով եւ հասցնել յոյսի մի հանգրուան, թոյլ չտալ, որ իր փինիկ թոշունը վերջնապէս մնայ մոխրի ու աւերակների րակ: Նա հաւարում էր Ազգի ու Եկեղեցու վերածնունդին, եղաւ դրա նախագծող ճարտարապետը:

Գեորգ Զ. Չորեքեանը Քրիստոսի հօրն առաջնորդելու իր խաչն սրանձնեց 1945-ին, երբ Հայաստանեայց Առաքելական Ս. Եկեղեցին շնչահեղձ էր լինում, երբ 800 աղօթարներից միայն ուրն էին գործում ծանրագոյն պայմաններում, եւ սպառնալիօրէն պակասել էր հոգևորականների թիւը: Իր սրբազան պարտականութիւնների կենսագործման ճանապարհին նա սրիպուած էր մաքառել հոգի ի բոին, քայլ առ քայլ վերանուաճելու խլուած իրաւունքները, շունչ ու կենդանութիւն հաղորդելու Մայր Աթոռին: Եւ կարարեց անհնարինը. կարողացաւ հասնել որոշ եկեղեցիների, Գեորգեան Հոգևոր ճեմարանի, Մայր Աթոռի րպարանի վերաբացմանը, երբեմնի «Արարաք» ամսագրի ու «Էջմիածին» շաբաթաթերթի աւանդոյթի շարունակելիութեանը: Նրա հարթած ճանապարհով ընթացան Վազգէն Ա. Պալճեան եւ Գարեգին Ա. Սարգիսեան հայրապետները: Բայց հաւարի վերընձիւղման, նորոգութեան ու պայծառացման պարիւն ու րքնանքը նախասահմանուած էր Հայոց 132-րդ Կաթողիկոսին: Նա եկաւ արժանատր ժառանգորդը լինելու իր նուիրեալ նախորդների:

Ազգային-եկեղեցական ժողովի՝ 1999 թ. հոկտեմբեր 27-ի ընրրութեամբ, ապա

և նույնքան 4-ի Ս. Օծութեամբ Մայր Աթոռի գահակալութեան կոչուեց Գարեգին Բ. Ներսիսեան Հայրապետը, որ նորովի պանծացնողը պիտի լինէր վերագարթօնք ապրող մեր Եկեղեցու: Նրան բաժին հասաւ իր նախորդների մեծ երազանքն իրականութիւն դարձնելու պարտականութիւնը, և նա պարտաստակամ յանձնառուն եղաւ՝ մարմին փալու դարարել երազանքին:

Սկսուեց Հայոց պարմութեան մի շրջափուլ, երբ բաւական յստակ գծագրուեցին Ազգի ու Եկեղեցու զարգացման նոր հորիզոններ: Պարտքի խոր գիտակցութեամբ ու նուիրումով Գարեգին Բ. Հայրապետը ձեռնամուխ եղաւ եռանդագին գործունէութեան, և, ահաւասիկ, անցած փասնամեակը անդու աշխարհաբնի և իրագործումների արգասաբեր մի շրջան եղաւ. փեղաշարժերն ակնյայտ են թէ՛ եկեղեցաշինութեան ասպարեզում, որ շէնքից աւելի ոգեղէն կառոյց է, հոգեւոր վերածնունդ, թէ՛ միաբանական կեանքում, թէ՛ քոյր Եկեղեցիների փոխյարաբերութիւններում, թէ՛ վերջապէս, մշակութային, կրթական, հրապարակչական բնագաւառներում: Արուած են առաջին քայլերը, որ առհաւարջեայ են գալիք առաւել մեծ իրագործումների. հրապուրիչ է հեռապարկերը, շատ են մրայղացումները: Այդ ամենը իրականութիւն դարձնելու համար հայ հաւարացեալ ժողովուրդը հայցում է Բարձրեալից, որ Իր Աջը հովանի դարձնի Մայր Աթոռին ու նրա ազգընտիր Գահակալին, որպէսզի առհաւեր բարձր ու հպարտ ծածանուի Հայաստանեայց Առաքելական Սուրբ Եկեղեցու հազարամեայ դրօշը: